



## Universitätsbibliothek Paderborn

### Ōrigenus Tōn Eis Tas Theias Graphas Exēgētikōn Apanta Ta Ellēnisti Heuriskomena

Cui idem præfixit Origeniana, Tripartitum opus, quo Origenis narratur vita,  
doctrina excutitur, scripta recensentur

**Origenes**

**Rothomagi, 1668**

Inhaltsverzeichnis

**urn:nbn:de:hbz:466:1-25059**

A proponit libr. 2. *ad agnoscendos*, cap. 3. quem locum répetit Hieronymus Epistol. 59. ad Avit. cap. 2. Caput quoque sextum libri primi De principiis. eamdem Origenis fluctuationem testatur; nam postquam duplēcēm de statu Beatorum sententiam exposuit, quarum prior interitram corporum naturam definit, & à qua se se alienum profiteret, alia naturam corpoream in modum etheris expurgatum iri tradit, tandem sic concludit: *Certius tamē qualiter se habicura sit res, scit solus Deus, & si qui eius per Christum, & Spiritum sanctum amici sunt.* Parī prope modo consimilis argumentū disputationē claudit libr. 2. *ad agnoscendos*, cap. 2. Prodest quoque ad excusandū eum Rufini responsio, pertendentis errores illos circa resurrectionis materiam scriptis ipsius ab Hæreticis fuisse adspersos. Verba eius sunt: *Vel Rufin. de aliis. libr. Origen.*

*iuicium de resurrectione carnis, qui tam evidentē pronuntiari vult naturam carnis in celum ascendisse cum Venero Dei, atque inibi cœlestibus apparuisse Virtutibus, novum & admirandum eis sui visum prebentem, posibile erat ut hanc literū non esse salvandam diceret?* At inde tamen præcipuum sibi arcessit Origenes præsidū, quod sua exātate nondum quæstiones illas fuerant ab Ecclesia dijudicatae; quo factū est, ut dum eum à veritatis norma deflexum revocare satagit Methodius, à vero ipse deerraverit, & alij quoque non sine offensione in hac quæstione versati sint, ut ostendimus supra; & Hieronymus velut titubans materiam hanc tractaverit Epistol. 61. ad Pammach. cap. 13. ait quippe: *Ergo, inquires, & nos post resurrectionem cœsuri sumus? Nescio, non enim scriptum est, & tamen si queratur, non puto cœsuros.* Quæ causa est, cur suam de resurrectione declaratūr sententiam Origenes, retinendam Veterum opinionem pronuntiaverit, quia nimirum quantumvis absone eius dogmata suos tamen auctores & patronos Chabuere.

XIII. Ex supra dictis subvertitur Methodij ratiocinatio, qua hoc Origenis pronuntiatum confutare aggressus est, peccatorum omnium cauſam ad corpus referri. Ait quippe Methodius contraria sibi loqui Origenem; cum enim animam citra corpus peccasse, & propter peccatum scortes tuniceis vestitam fuisse, tunicasq; illas corpora ipsa esse concesserit; nunc sibi ipsum repugnare, cum corpus cauſa esse dicit cur anima peccet. Origenianæ doctrinæ connexionem non vidit Methodius. Diximus enim supra corporeas animas vel incorporeas appellatae Adamantium, crassiorum vel tenuiorum corporum ratione, cum revera corporeas esse, & Deum unum incorporealem censuerit. Idem animas pro peccatorum gravitate graviora subire corpora afferuit. His neutiquam repugnat illud, Animas à corporibus suis trahi in vita, & cum numquam corpore caritura sint, futuros semper beatitudinis & damnationis circuitus; & antequam humanis adstrictis essent membris, in peccata tamen fuisse prolapsa, ac meritas cur è subtilioribus corporibus in spissiora demergerentur. Atque ita commune aliquid habet Origenes cum Porphyrio, qui dicebat, *ut beata sit anima, corpus omne esse fugendum.* Sed ut communia quædam cum Porphyrio sit locutus, penitus tamen diversa sensit.

Notandum porro Autorem Dialogi De recta in Deum fidē, qui sub Origenis nomine prodit, Marinum Bardeianistam inducere hæc dogmata propugnantem; Hominem sola anima constare; Animam scelere admissō, tuniceis pelliceis, hoc est corpore, tamquam vinculo ac compede fuisse constringam, atque inde à Ieremia vincitos nos appellari; ac E animo malorum omnium cauſam esse corpus: Adamantium autem hæc ipsa impugnantem; & hominem, corpore licet & anima constet, animam tamen in Scripturis vocari demonstrantem, eademque Marino regerentem, qua apud Epiphanius Origeni Methodius opposuit.

## QVÆSTIO DECIMA.

## DE POSTREMO IUDICIO.

F I. Exploratur placitum Origenis de rebus supremo Dei arbitrio iudicandis; II. & de ratione ac loco iudicij postremi.

I. MORTVORVM resurrectionem supremum Dei indicium excipiet. Quo cum ulciscenda sclera, mercede autem donanda sint recte acta & virtutes, idcirco statuta opinatus est Origenes, quæcumque vel recte vel male agendo præmia vel supplicia promereri possunt. Superius autem ostendimus Angelis ipsum, fideibus, ac elementis bene vel male agendi potestatem affixisse. *Futurum est*, inquit Homil. 4. in Ezech. *ut in die iudicij non solum homo, sed etiam universa conditio iudicetur: Omnis quippe creatura congeriabit & condelet.* Tum in hunc rerum iudicandarum censum coniicit Angelos, cœlum, quæque supra & infra cœlum sunt, terram ipsam, & aërem. Qua de opinionē